

ad sensum variandas motiunculas, in longum, in latum, totum hoc spacium duplo crassius omni Marte, repletur tam portentosis orbibus? Quæ hæc Naturæ luxuries? Quàm inepta? Quàm inutilis? Quàm minimè ipsi vsitata? Atque ex hoc videre est, in Copernico nullum orbem ab alio tangi, sed ingentia relinqui systematum interualla utique plena cœlesti aurâ, sed ad neutrum tamen propin- *Huc pertinet Tabu-* quorum systematum pertinentia. Hac tabula ob oculos propono *la QVINTA:* tibi orbium & interstitiorum magnitudines iuxta veras proportiones: uti eæ numeris à Copernico expressæ sunt. Eorum autem spaciorum cum initiò professus sim causas ex 5. corporibus reddere, cur tanta singula inter binos planetas relicta sint à Creatore Optimo Max, nempe quòd singulæ figuræ singula interualla efficiant: videamus modò, quàm id feliciter tentatum sit, causamque hanc coram Astronomia Iudice, & interprete Copernico disceptemus. Orbibus ipsis tantam relinquo crassitiem, quantam requirit ascensus descensusque planetæ: quæ tamen vtrum sufficiat, infra, cap. 22. videbis. Quòd si figuræ interiectæ sunt, ut dixi: oportet imam superioris orbis superficiem æquari circumscripto figuræ, summam inferioris inscripto: figuras autem censerio ordine, quem supra rationibus confirmaui. Quare

Si ima	$\left. \begin{array}{l} \{ \text{♁} \\ \{ \text{♂} \\ \{ \text{♃} \\ \{ \text{♄} \\ \{ \text{♀} \end{array} \right\}$	$\left. \begin{array}{l} \{ \text{♁} \\ \{ \text{♂} \\ \{ \text{♃} \\ \{ \text{♄} \\ \{ \text{♀} \end{array} \right\}$	est 1000. debet esse summa	$\left. \begin{array}{l} \{ \text{Iouis} \\ \{ \text{Martis} \\ \{ \text{Telluris} \\ \{ \text{Veneris} \\ \{ \text{Mercurij} \end{array} \right\}$	577 333 795 795 577 vel 707	At est secundum Copernicum	$\left. \begin{array}{l} \{ \\ \{ \\ \{ \\ \{ \\ \{ \end{array} \right\}$	635 333 757 794 723	Cap. 9. Cap. 14. Cap. 19. Cap. 21. & 22. Cap. 27.		
										Lib. 5. Cop.	

Quòd si crassitie orbis terreni accenseatur systema lunare; ergo si ima superficies orbis terreni, & lunam comprehendens, est 1000, summa Veneris est in Copernico 847. Et terreni orbis cum Luna summus margo est 801: si ♂ ima habet 1000. Hic velim te identidem respicere ad tabellam capitis secundi, nempe ad huius interpositionis qualem cunque imaginem.

En numeros parallelos propinquos inuicem, & Martis quidem atque Veneris eosdem. Telluris verò & Mercurij non admodum diuersos, solius Iouis immodicè discrepantes, sed quod in